


Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.5





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.5



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.5



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.5

1.6.5.

1 A.6

VII

A. N. N.

Progn. Tia

1657.

PROGNE
TRAGOEDIA,
NVNC ITERVM
EDITA.



ROMAE EXCVD. MASCARDVS.
MDCXXXVIII.

REGINE
TEAGGIA
MUNICIPAL
LIBRARY



LIBRARY OF THE
MUSEUM OF HISTORY AND NATURAL HISTORY

FRANCISCO VARGAE

CATHOLICI REGIS

A CONSILIO,

Et eiusdem apud Pontificem Max. Oratori.

VENETAM Academiam, Francisce Varga,
Vir Illustris, nobilem inprimis atque om-
ni scientiarum genere florentem, in quam
ego proximis superioribus diebus, quod quidem
in magna felicitatis parte constituo, sum adscri-
ptus; cum ita erga te animatam à primo meo in-
gressu perspexissem, ut quam obseruantiam atque
beneuolentiam principibus, ac nobilibus viris,
eximiaq; virtute ornatis præstare consuevit, ea-
dem te studiosissime prosequatur: cœpi ego sta-
tim incredibili quodam ardere desiderio, facultas
ut aliqua mihi afferretur, qua tum ipsius Acade-
miæ nostræ amplissimum in te studium tibi pate-
facerem, tum clarissimi in primis Federici Badua-
rij, quem tanti boni auctorem agnoscimus, egre-
giam ad te amandum animi propensionem indi-
carem. ea enim est virtus tua, ita excelsa & illustri
loco sita, non modo ut à tanto viro nobisq;, qui ab
eius excellenti iudicio testimonioq; pendemus,
sed plane ab omnibus, qui vbique terrarum sunt,
mortalibus ametur, eximijsq; laudibus efferatur.

A 2 ac

ac tui quidem tum animi, tum ingenij præstantia
iam tum nobis cœpit elucere, cum apud Venetam
Remp. primo quidem Caroli Cæsaris augustissi-
mi, deinde Catholici Hispaniarum Regis nomine
summa tua cum laude legationem semel atque
iterum obiisti. tunc enim, quantum ipse vel ma-
ximarum rerum usu, vel liberalium artium co-
gnitione, vel pietate in Deum excelleres, dilucide
perspeximus. iure igitur ad maxima tractanda,
negocia te vnum ex omnibus Rex tuus potissi-
mum delegit, qui apud Pontificem Max. oratoris
munus his temporibus, ingenti motu fluctuan-
tibus, in vrbe Roma sustineres. quo quidem in-
munere sic te geris, vt, quod dici solet, homo
homini quid præstet, facile omnes intelligant.
Verum illi felices, quibus contigit præsentibus
tua singulari virtute frui: ego meam conditionem
nimis inique patior, quòd, quo tempore meam
tibi quam creberrimo salutandi officio beneuo-
lentiam incredibilem patefacere statueram, eo te
nobis fortuna quædam abstulit, doloremq; ex
tanta iactura susceptum vix vlla ratione lenimus.
testis ego sum communis in hac præclara ciuitate,
bonorum omnium molestiæ; mei vero summi
in te studij index tibi erit Progne tragedia: quam,
vt ipsius facile sublimitas indicabit, vel antiquam,
vel antiquis, quæ maxime laudantur, certe pa-
rem,

rem, quæ multos annos in mea latuerat bibliotheca, nunc in tuo nomine apparere volui, consilio minime, ut arbitror, reprehendendo: cum poësis ipsa, ut optime nosti, cum philosophia, cuius peritissimus es, veluti quadam cognatione societur: quippe quæ humanæ vitæ mores explicet, obscuris fabularum inuolucris eadem omnia, quæ aperte solet philosophia, proponat: summam præterea delectationem pari cum vtilitate coniungat. neque vero te præterit, cum eius multa sint genera, in ijs tragœdiam non postremum locum obtinere: quæ cum acerbam fortunæ mutationem complectatur, quid aliud, quam temperantiam Regibus ostendit, omnesque in summo rerum humanarum fastigio collocatos, ne quâ corruant, aut prolabantur, alieno admonet exemplo? qui vero aut à natura, aut à disciplina hoc habent, ut virtutis ad studia contendant; mirum, legenda tragœdia quàm valde afficiantur: cum ab ijs malis, quibus alios vexari cognouerunt, se abesse procul intelligant. itaque non dubito, quin te etiam atque etiam nostra Progne delectet, vel ipsius argumento, vel poetæ ingenio, vel denique Academiae nostræ, meaque præcipue obseruantia. nam, quod attinet ad mores lectione conformandos, nihil est, cur ipse à libris quidquam haurias. lætare
po-

potius animi tui præclara conscientia, eaque
fruere quasi vberima recte factorum mercede,
eorum exemplo, quorum tu virtutes & imitaris
& assequeris. Illud postremo loco summis pre-
cibus à Deo exposcimus, vt, quod à viro sapien-
tissimo dictum quandoque cognouimus, grauio-
ra tibi in dies munera simul cum ampliore digni-
tate committat: vt tantum re ipsa Christianæ
reip. prodesse possis, quantum animo tuo, re-
ctissima ac laudabilia omnia maxime cupienti,
satisfaciat.

Ioannes Riccius, legum Doctor,
Venetus Academicus.

AR-

ARGVMENTVM TRAGOEDIÆ,

QVAE DICITVR PROGNE.

TITVLVS huius tragoediæ dicitur, Progne. Pro argu-
mento autem prædicendum est, quòd, cum Tereus, rex
Thracia, fatigasset bello Pandionem, regem Athenarum;
tandem conuenerunt, ut pax fieret inter eos; atque ut firmior fo-
ret, Tereus acciperet uxorem Prognem, maiorem natu filiam Pan-
dionis. ex qua cum habuisset puerum, nomine Ithim; post quin-
quennium desiderio Philomenæ sororis accensa, blanditur viro, ut
eam ad se traderet. ille impetratam à patre virginem inflamma-
tus libidine oppressit; eiusq; comites morti dedit. quod cum agre
ferret puella, & se vulgaturam affirmaret; mota est ira tyranni,
linguamq; eius secuit. post hæc, pauentem stabulo, quod forte
propinquum erat etiam urbi, inclusit: posuitq; custodes. ita re-
gesta, ad Prognem redit: simulatq; Philomenam, pelagi tempestate
grauatam, periisse. Credidit Progne: sed diu tantum scelus la-
tere non potuit, ad Prognemq; uti res erat, allatum est. Illa vero
furijs doloris percita, simulans Orgia Bacchi, quæ tertio quoque
anno fiebant, ad stabulum cum turba muliebri venit: custodes ne-
cat: germanam secum trahit. postmodum autem vlcisci querens,
crudelissima mater gnatum vnicum interemit, patriq; epulandum
apposuit. Fabulose autem dicitur, Tereum & Marte genitum
fuisse, quia cruentus fuit tyrannus, & nympa Bistonode, ab eo
per vim compressa. Progne conuersa dicitur in hirundinem, Phi-
lomena in auem sui nominis, Tereus vero in vupam: cuius fa-
cies cristata est, ut indicet regium caput: vinit autem ex stercore,
propter memoriam comeesti nati.

IN-

INTERLOCVTORES,

DIOMEDES,

CHORVS,

TEREVS,

PROGNE,

PISTVS,

NVTRIX,

NVNCIVS.

TRA-

TRAGŌEDIA,

CVIVS TITVLVS

Progne

DIOMEDES.

LVCOS & amnes defero inferni Iouis:
Ad astra mittor supera conuexi poli.
Neque enim inter vmbas noxius visus furor
Est vllus æque: Thracia heu solus potest
Explere furijs corda Diomedes: nefas
Odisse liceat: crimini datum est satis,
Satisq; sceleri: deprecor fontis plagas:
Amare liceat: addite ad pœnas meas,
Si quid potestis dira Furiarum agmina:
Titana pubes exuat vinclis manus
Cælo rebelles: æneis nodis premar.
Nil iam recuso, Sisyphi premat lapis.
Me ludat amnis Tantalî, vel Ixionis
Iaculetur orbis: crescat in pœnas iccur.
Parum videtur? torqueat per me suas
Phlegethon arenas, igneo torrens vado.
Cur me innocentem facitis alterna vice
Sceleris nefandi Thraces? agnosco scelus:

B

Pars

2 T R A G O E D I A

Pars iam peracta: noster explebit nefas
 Aduentus. vnde hoc? omnis arefcit feget:
 Sensere terræ? deficit pratis color,
 Quacunque gradior: fontibusq; humor solitus
 Deest, cauernis intimis quærens fugam.
 En alta cerno decora natalis soli,
 Thracosq; muros: regia est illic locus:
 Atque hunc superbus alta pro templo pater
 Graduius ipse limina horrendus tenet.
 Pudet referre: facinus agnosco meum,
 Stabulumq;, quo me victor Alcides feris
 Obiecit ipse, pabulum armentis ducem.
 Sed ecce subeo regiæ limen domus,
 Aulamq; Terei: quid hoc est? fugiunt retro
 Versi penates: decidunt flores noui
 Numinibus ipsis: misera ne trepidat domus?
 Venio coactus: quis nouus cogit furor
 Dirum profari facinus? agnosco nefas.
 Nunquam vacabit scelere Diomedis domus:
 Nunquam nocentes leuiter Thraces erunt:
 Peccatur omne scelere quod vincat scelus:
 Semperq; veteris præterit formæ modum
 Crimen quod oritur; obruit recens vetera:
 Paruumq; quod fuit scelus, dum fit nouum.
 Matris furorem cerno, & euersam domum,
 Miserumq; patrem: video crudeles focos,
 Et sparsa pueri viscera, & diras dapes.

Mensæ

Mensæ parentur: sacra splendeſcat dies:
Abominandum, peſſimum, horrendum, nouũ
Odryſia facinus prima concipiat domus,
Suumq; vincat ſcelere crudeli genus.
Vix, cum peractis ſeculis olim polus
Ardebit; ignis cum mare & terram ambiet;
Numeretur aliud; vixq; poſteritas fidem
Datura famæ. ò ſemper infamis domus:
Sileatur omne veteris errati ſcelus:
Stupra nefanda vile ſint crimen domo.
Satis ne dixi? iam ſatis: factum eſt opus:
Obſedit animos impius mentis furor:
Flagrat cupido turpis: inuenta eſt via:
Scelus patebit: carbaſa extendat Zephyrus:
Velis citatis proſpero curſu natet:
Tandem fauebo Thracio regi: redeat:
Rediſſe nollet. ecce ſolenni prece
Tereus vocatur: appara feſtum diem:
Germana venit. ora quis quatit mea?
Vocat flagello me ad infernos lacus
Erinnys: onere tellus infeſto diu
Noſtro leuetur: cetera explebit furor.



4 T R A G O E D I A

C H O R V S.

ORTE Saturno, pelagiq; rector,
 Qui leui curru gradiens per æquor,
 Temperas pontum, quatiens tridentem,
 Sterne secura pelagus quiete.
 Tuq; ventorum domitor procellas
 Qui regis, duro reserasq; saxo,
 Te timent nautæ, trepidiq; adorant:
 Tu potes actum pelagus tumultu
 Sternere, atque idem super astra ferre:
 Tu pater nimbos, nebulasq; torques:
 Thraciæ plebi faueas, precamur:
 Adsit actutum Tereus citata
 Puppe: nec velis cadat aura, donec
 Thracios portus teneat tyrannus.
 Rex, victus prece coniugis
 Regina, pelago caput
 Commisit, fragili rate:
 Venti perfidia nihil
 Contactus, foci domos
 Portu Mopsopio petit.
 O qualis pietas thori!
 Nutritur face mutua
 Sacri thalami calor.
 Orpheus Eurydicem suam

Quæ-

Quæsitum petijt lacus
Auerni, & miseræ Stygis,
Vectus flumina trans nouem
Interfusa vadis. lyra
Motus portitor aurea,
Orantum immemor hæserat.
Illum vt Tartareus canis
Ripa prospicit vltima,
Caudam deliniens stetit.
Mirantur fidibus nouis
Manes: nec sitiens senex
Curat flumina Tantalus,
Non ales Tityi iecur:
Hæsitq; Ixionis rota:
Saxo Sisyphus insolens
Insedit: stupet Æacus,
Et cum coniuge luridus
Pluton: qui quoties velit
Iraisci, toties prece
Placatus, Lachesium iubet
Vitæ staminanectere.
At sit mitior Orpheo
Tereus, cælicolum genus.
Omnes, principe reddito,
Soluent vota calentibus
Aris: & tremuli senes
Spargent pocula Lesbij:

Et

Et cum virginibus simul
 Infantes pueri canent.
 Echo montibus abdita,
 Respondet Rodopes iugis.
 Quæcunque & Tanais rigat;
 Qui cum frigore duruit,
 Plauſtri conteritur rotis;
 Nuper remige percitus,
 Duro fert equitem vado:
 Omnis Thraca decentibus
 Saltabit citharæ modis:
 Tempa & Biſtonij regent
 Sertis, & viridantibus
 Ramis: in medio fidet
 Feſtus lætitiæ deus.
 Sed quis profecto ſtrepitus è portu ſonat?
 Accurrit vnde hæc turba? puppi regia
 En arma præfixa: en Tereus abeſt procul.

T E R E V S.

GRADIVE, gelidis ſiue ſub Rhodopes iugis
 Feſſos iugales pabulo recreas nouo,
 Aut nubifer vbi verticem Hæmus exerit,
 Aut Othrys ingens; aut vbi ilicibus nigris
 Pangæa reſonant; ſiue per populos agis
 Currus cruentos; mellitum cernis pater
 Gna-

Gnatum. tremiscunt vltimi vires meas
Thraces: & omnis regio glacialis poli
Me me tremiscit: arma Cecropidæ mea
Timuere: gnata, vixq; Pandion socer
Pacem impetrauit. nunc quoque è soceri solo
Conspicius hospes remeo: tot spolijs ducum
Præclara puppi tecta prospicio libens:
En alta decora patriæ cerno domus,
Gratosq; muros: iura quo reges solent,
Agnosco templum, sceptra gestantes dare.
Verū minime in patriam reducis animū gero:
Deiectus animo traherer in Syrtes velut,
Vt exul vndis classe barbarica premerer:
Conscia, licet nullus premat, mens premit.
Quid anime segnes? quod fuit summum, tibi
Dedere superi: si quid errauit furor,
Fac ipse liceat, facile quod reges solent.
Num cernis alta decori natalis soli?
Gratare tandem: non decet regem timor.
Sed ecce littora remige assiduo sonant:
Lætantur omnes: obuiam cuncti ruunt:
Aderitq; Progne. quas misera voces dabit,
Postquam sororem cernet absentem, sibi
Diu experitam: consilia regent nefas:
Simulabo victam turbine immensi maris,
Demum peremptam: lacrymæ facient fidem.

TE-

T E R E V S, P R O G N E.

O FIDA consors, multa post maris virum
 Pericla cernis. PRO. Lætor incolumem: sed hæ
 Lacrymæ loquentis (talis in patriam redis?)
 Cur ora complent? vbinam est soror mihi,
 Optate coniux? viuit, an morte occubat?
 Effare aperte: mæror augescit mora.
 TER. Pelago perempta est (hi mei reditus) soror.
 Velis citatis prospero cursu ratem
 Strimonius Aquilo vexit ad foci domos.
 Egredus adij. forte tunc Rex Palladis
 Ad templa summæ præsidem orabat deam.
 Opima feriens colla stat comptus caput
 Vitta sacerdos: ipse sacratis foci
 Spargebat aræ thura solenni prece.
 Tunc me laceris senior affusis ait
 Complexus; Vt vt te gener, dum spiro adhuc,
 Inuat videre: nunc reiuuenescio senex:
 Valet ne Progne? superat & carus nepos?
 Sed quid moramur plura? vix multa prece
 Gnatam impetraui: spondeo celerem reditum
 Ægro parenti: ast olli in amplexu ultimo
 Singultus ora patria oppressit grauis:
 Aptant carinas socij, & antemnas ligant.
 Decrescit omnis terra paulatim: vndique
 Cælum,

P R O G N E . T 9

Cælum & mare: secat spumeum pontum ratis:
 Ac pone placidus exultat delphin salo.
 Et iam diei finis: in nubem cadens
 Sol, passus oculos, mergit Oceano rotas:
 Rubicunda Phœbe surgit: ac stellæ cadunt,
 Et ecce nubes densa cæruleum æthera
 Inuoluit: altis montibus fragor sonat:
 Et tunsa late saxa latratu gemunt.
 Caligo cælum texit, & crebri micant
 Ignis: at Euris surgens orientem mouet.
 Repente pluuiæ nubibus ruptis cadunt:
 Tumescit æquor: latera nauigij tremunt
 Collisa: pullat sidera, & arenas ciet
 Vis vasta pelagi: sæpe diducto freto
 Immergit, & nunc erigit cælo trabem.
 Conclamo: socij ponite antemnas; labaz
 Carina. & ecce desuper turbo rapax
 Ferit rudentes: pontus in puppim niger
 Fertur: procella malus immani tremit.
 Non grata nautis occidens nunquam micat
 Glacialis arctos: sidus, Arctophylax, tuum
 Texere nubes: omnis eripitur polus.
 Erramus adeo cursus incerti: neque
 Noctem diem ve digeri finit polus.
 Hæc inter acri percita stomacho soror
 Deuicta demum est, euomit: membra labant:
 Nec alitur villo corpus infirmum cibo.

C

Non

Non is genarum fulgor, vt quondam, decens:
Tumor per artus abiit afflictos grauis.
Tandem reuoluta posuit in sinu caput
Letho grauatum: soluitur corpus gelu:
Anima per ora flentis ad manes fugit.
Nec dum omnis abiit fulgor: in vultu pio
Mors quoque placebat. talis in viola nitor,
Cui forma nondum fugit; & prato caret.
Non hos dolores fluctus inuisi minæ,
Sed dii dedere. testor imperij decus.
Vix clausit oculos dextra, cum ventus minas
Posuit; resedit omnis extemplo furor:
Cessere nubes; vasta tempestas perit.
Latamur: ecce remi & antemnæ cadunt:
Optata miseris quarta cum luce astitit
Infausta tellus: quassa diluuiò ratis.
Subleuit anchoris: latere pontes cadunt.
Est collis altus: vltimi Thraces serunt:
Prærupta ponto media rupes eminet:
Curuata vallis humida & sterilis iacet:
Vtrinque silua claudit: ac montes tegit.
Cupressus alta funebri ramo virens.
Hoc vbi potiti, quisque tabentes salo
Siccavit artus: horret & littus quoque:
Nec credit vllum grauibz æumnis locum.
Tunc funus egomet manibus instruxi meis:
Ferro bipenni pinus impulsâ eruit:
Cadit

Cadit cupressus: nemora cum siluis trahunt
 Late ruinam: structa sublimis pyra
 Cælo minatur: flamma per ramos sonat:
 Ac fumus ater nube funerea coit:
 Stridunt fauillæ: mæstus vmbratur dies.
 Circum omnis astat veste funerea caput
 Amicta turba: lacrymæ & planctus sonant.
 Manes vocantur: turba ter rogos obit.
 Postquam solutus debitus flammis honos,
 Tegitur sepultus aggere excelso cinis. (nex?
 PRO. Quid turba comitum? superat? vbi Pistus se-
 TER. Vt carpsit ignis audus appositam struem,
 Cadauer vri cœpit vbi stratum super,
 Ultra dolores ferre non potuit senex:
 Irrumpit igni: seq; eodem conijcit.
 Qualis securem taurus attonitus fugit,
 Aut qualis acri concita Mænas iugis,
 Agente Baccho fertur insano gradu;
 Talis rogos petiuit afflictus senex:
 Fidusq; alumnæ cineris vt foret comes,
 Passus cremari: sed reor summum sibi
 Fuisse, vt vnus ignis arriperet duos.
 Alij reuersi nuncij diræ necis.
 PRO. O mors acerba: ò multa frustratæ preces!
 O sæua maria: ò mortis horrendum genus,
 Et morte peius! quam dolor capiet viam
 Crudelis? vbinam grauib; ærumnis modum

Statuam? sorore, quid enim restat mihi,
Morte occupata? quid queror demens? ego,
Ego te peremi: causa nostra hæc est soror,
Crimenq; nostrum. nanq; dum propero nimis
Vnam videre, pene dispersi duos.
Me me procellæ ferte in abruptum mare,
Scopulosq; Syrtis: ferte disiectam vndique,
Vbi nix alta canet æterno gelu;
Aut vbi propinquus pabulum feris negat
Sol; vbi venena, vbi herba pestifera viret.
Me pontus, æther, me premat dirum chaos.
Vtinam sororis pariter arsissem rogo:
Vbicunque iaceat Pistus, inuideo tibi.
Nec te sororis morte culparim Tereu:
Sors ista fati debita, vt funus tuum
Soror viderem: quamuis hoc vetuit deus.
Potuere mortis fata largiri moram
Breuem sorori. mæstus heu forsân pater
Dat thura templis: ipsa iam Lethen bibit,
Secura mortis. tollite ornatus mihi
Regalis auri: veste funerea dolor
Utatur; istas ventus inuoluat comas:
Feriat lacertos inuicem exertos manus.
Sed cur monili colla Sithonio nitent?
Auferte famulæ.
TER. Tollite ad thalamos heram:
Potius iacentem reddat huic animum thorus.
CHO-

C H O R V S.

NVLLA mortalis tenuit voluptas
Longa, nec vnquam miseros tenebit:
Læta dat nobis adimuntque Parcæ,
Præpeti semper rapiente fato.
Nemo tam felix spatium senectæ
Finit. intactus modo natus infans,
Inter hos vitæ miseros tumultus
Lege pensatur: sedet atra cunis
Clotho, venturi comes vsque fati.
Nil fit æternum; solidumq; nil est
Rebus humanis. variæ voluptas
Quota pars vitæ est? subeunt labores,
Et graues curæ, miseriq; luctus.
Nuper insigni comitata turba,
Thracias inter veneranda matres,
Ibat, è collo radiante gemma:
Mæsta nunc deflet miseranda Progne
Fata sororis:
Victa quæ sæuis pelagi procellis
Virgo defecit. feriat, licebit,
Ipse vocali cithara querelas
Orpheus; nunquam superos videbunt,
Cum semel leues animæ natarunt,
Vna quas vexit feriente remo

Cym-

Cymba deductis totiens lacertis.
Tiphys, inuicti domitor profundis,
Mortis inuenit noua fata primus.
Ante nec pontum secuire puppes;
Nec graues fluctus timuere nauæ.
Quisque securus placidis in agris
Vixerat: necdum senior marinos,
Littus egressus patriæq; portus,
Nouerat casus, scopulosq; sæuos
Arte latentes.
Ille tranquillæ placidæq; vitæ
Ocia mouit,
Primus è terra refecare funem
Ausus, & ligno fragili natare:
Iussit antemnas religare malo
Primus; & tortos statuit rudentes;
Ac sinus laxos, feriente Coro,
Tradidit audax:
Credulæ pontum secuire puppes:
Nauta tum ventos varios notauit,
Et minas cæli; posuitq; pictis
Nomina stellis.
Naufragus picta vehitur carina:
Suppara è summo religauit audax,
Anchoram ignota statuitq; terra.
Hoc genus lethi miseros manebat.
Currat hinc illinc alius per æquor:

Solis

P R O G N E .

Solis occasum videatq; & ortus:
Monstraq; & sæuos pelagi labores
Garrulus tuta referat sub vmbra .
Me domus dulci saturet quiete
Parua : nec terras numeret remotas
Nostra senectus.

PISTVS SENEX, NVTRIX, PROGNE.

QVAM graua passus, defero è siluis gradum,
Infauftus hospes, nuncius diri mali.
O fors acerba ! vix mihi sufficiunt pedes,
Retroq; ducunt tramite errantem gradum.
NVT. Quid portat iste trepidus è siluis senex ?
Ni fallor, ipse est Pistus. PIS. O nutrix, vbi
Regina ? NVT. Fare Pistè, quod partes malum.
PIST. Ad hoc malorum nuncio misero est opus:
Ipsaq; Progne quo sciat tantum nefas.
Sed ecce venit. PRO. Fidus extinctæ comes
Olim sororis, nunquid à mæsto venis
Phlegetonte ? namq; te quoq; extinctū Tereus
Edixit : iste prorsus inferni situs.
PIST. Me longus error, luctus & siluæ pavor
Deformat. illic teter increuit rigor.
Sparsus per humeros crinīs : attractæ genæ:
Et crura dumis lacera. PRO. Quid causæ fuit;
Tentare latebras ? ede fortunam senex;
Et-

Et quæ sororis cura morituræ fuerit.

PIS. Vtinã perẽpta. *PRO.* Nũquid impositũ aggerẽ
Erexit humeris vmbra, remeata Styge?
Effare aperte, quidquid est: timeo omnia,
Et te, fatebor: ista vix credo mihi:

Quæ clades ista? nunquid & peius nece?

PIST. Mors ipsa votum. viuit, hoc ipsum dolens.

PRO. Quod lucis odiũ? *PIS.* Cui decus, melior sui

Pars, perijt. vtinam corpus extinctum nece,

Saluo pudore. corporis perijt quoque

Pars magna. *PRO.* Mitte verba perplexe loqui:

Quis hic stuprator virginis claræ fuit?

PIST. Quem si rescieris, scire pœniteat quidem.

PRO. Effare aperte: mæror augefcit mora.

PIST. Hæret palato lingua: pulmonem grauat

Attractus aër: totus horresco memor.

Aliquò procellæ deferant merfũ caput,

Dum es innocens aduc. *PRO.* Fieri nocens

Cupio nefandi sceleris; vlciscar modo.

PIST. Vicina tellus nobilem portum efficit:

Vnde omnis vrbs pateat aspectus, nisi

Opposta Rhodope brachium extendat mari.

Fluctu proteruo rupes exesum latus

Ostendit: hic nos ponere antemnas Tereus,

Cursu peracto, littus ad notum iubet.

Paremus omnes, sceleris ignari, ocyus.

Vix prima tellus cœpit: (heu dirum nefas)

Abomi-

Abominanda scelera molitur Tereus :
Instat puellæ, qualis Armenius leo
Cerux paucis, viribus vastis fremens.
Tentata precibus restitit virgo diu :
Coacta donec, sæpe exclamato patre,
Sæpe & sorore, stupra violenta pati.
Tunc scissa crines ora pudibunda obtegens,
Acclamat : O crudelis ! ò verum genus
Thracû nefando scelere ! quid primum querar ?
Non te parentis tenuit afflictæ fides,
Non dextra, non cognata proximitas ? neque
Sacrum pudoris mouit intacti decus ?
Pellex sororis igitur amissi decus ?
At tu superbus sceptrâ gestabis manu
Post stupra ? nullus pro scelere tanto Deus
Persoluet ultor debitas grates tibi ?
Non sic abibis : ipsa per populos loquar :
Aut si tenebor clausa custodum manu,
Mouebo saxa, & conscios facti deos.
Testor pudoris numen aduersum mihi,
Hac labe careo : corpus hoc tantum tulit.
Germana, tete si parum soror mouet,
Contaminatis aude pro thalamis aliquid,
Quod ipsa laudem : stabo, & implebo nemus.
Vix hæc tyranno maior increuit furor.
Vt sæuus anguis forte compressus pede,
Tumet veneno lubrico lapsu ferox.

D

Sta-

Stabulum propinquæ rupis apparet cauo.
Seruabit hic te fida famulorum manus.
Istas catenas auferat soror tibi.
Nec plura fatus, forcipe apprehensam secat
Linguam puellæ. faucibus radix micat:
Et murmur (heu heu) voce pro solita dedit.
Cruenta lingua palpitat moriens, velut
Longæ colubræ cauda, quæ celeri rota
Traiecta, partem quærit ereptam sibi.
Post hæc pauentum cædis efferæ impetu
Obtruncat ipse cassa præsidia comitum,
Ne quo rescifcas nuncio tantum scelus.
Hoc vile solus (fateor) è cunctis caput
A tam parata morte subduxi pedibus,
Tentare latebras ausus ignotas mihi.
Montes per altos ducor ex illo vagus:
Siluas & amnes lustris permixtus feris:
Herbæ, & rubeti poma solantur famem.
Rami caduci pariter & flatus mouent
Strepente folio: somnus in vda fuit
Tellure: demum huc appuli fessus malis.
PRO. O machinator fraudis: ò crudelior
Diomede Thrace; sanguinis verus parens
Ille est nefandi. siccine obtendis dolo
Commenta mortis funera? & tantum nefas
Speras inultum? magna delicta diu
Latere nequeunt: sequitur a tergo comes

Vin-

Vindicta : scelere nemo latatur diu .
Tereu, nefanda strage turbasti domum ,
Post stupra fletus ausus ordiri nouos .
At nunc superbus regio luxu incubas .
Lingua recisa , carceris duri solo
Germana nudo recubat, vbi fueti greges .
Non sic iacebit clara Pandionis domus
Illusa : misera tollet aliquando caput .
Prodesse miseri facile si nequeunt , nocent .
Inuenit odium saepe, quem arma nequeunt .
Indulge quaeso facinus : hoc nuper soror
Ad nos redundat : aderit actutum tibi
Vindicta : poenas impius coniux luet .
O ter quaterq; morte felicem inuoco
Te te parentem : genitor euixit super ;
Restaret vt hoc tempore infelix pater .
In hunc dolorem fata seruabant senem .
Speranda iam tum ista, cum hosti barbaro
Sociata cessi . superat hic animus sibi .
Vtinam dehiscens tellus hoc olim caput
Mersisset orco, bella cum primum intulit
Iuuenis proteruus . pacis heu pignus fui ;
Vt hoc viderem facinus : in thalamis meis
Cruenta Erinny's crine vipereo stetit .
Hac , hac ministra facta sum dudum parens :
Vteroq; semen impiæ prolis tuli :
Iterum sorori spargere has comas iuuat .

D 2

Quo

Quo cedis anime? num soror lacrymas petit?
 Agedum sororem quære per montem ocyus:
 Euerte filuas: carcerem horrendum erue.
 Simulabo, Bacchi maior hic lateat furor.

C H O R V S, . P R O G N E.

SACRA Thyoneo repetita triennia suadent:
 Mollia Nysæa cingamus tempora vitta.
 Hucades proles Iouis ætherei, matris
 Ex utero præuiste direpte puer.
 Te te Thracia vocat tua.
 Huc formosè puer rite propitius,
 Vultu virgineo dirige, nebride
 Præcinctus virides rotas,
 Variasq; lyncas:
 Lucidum cæli iubar astriferi veni.
 Tertia sacris remeavit æstas:
 Hedera virenti ornare iuuat madidos capillos.
 Seu iubes spargi sine lege ventis:
 Te decet flauos religare crines
 Floribus vernis, madidosq; mirrha
 Tergere ferro, & cohibere mitra.
 Te decet molli religare zona
 Luteas vestes Tyrio colore.
 Tū puer ludo placidæq; rixæ
 Semper arrides: tibi mota pulsan
 Tympana, & ferro spoliata buxus;

Nai-

Naidēs blandæ, satyriq; molles
Vsq̃ue mirantur niueos lacertos,
Et genas puras placida iuuenta, &
Lactea colla.
Huc adsis formosæ, vocât nemora omnia circû,
Vitifator: quamuis te decolor India iactet,
Orgiaq; in toto resonent trieterica Gange.
Thyr̃sos spargere nunc leues,
Intextos hederis iuuat.
Bacchis lampade nos vocat.
En omnis Rhodope sonat:
Euan Ogygie adueni.
Mater Pantheos impij
Non hic commaculat manus,
Auellens humeris caput.
Hic cum Calliope fatum
Fudissent miseræ matres,
Mæstum cum gerneret nemus.
Dignum perniciæ scelus
Pendunt vindice te improbæ.
Te Rubrum timuit mare,
Et quæ decolor India
Cingit tempora pampino:
Thermodontiaci chori
Victoris genua inclyti
Addunt sceptiferas manus,
Quacunq; ue & niueos rigat

Gan-

Ganges flumine lucido,
 Quidquid Sol nitidus videt,
 Quodcunque Oceanus lauiat,
 Laudes Bacche tuas canit.
 Naxon cum peteres tuam,
 Dix nobilis insula
 Solam littore virginem
 Fouisti placido sinu.
 Munus ferta decentia,
 Munus, Bacche, tuum tulit.
 Idem perfida pectora
 Fudisti pelago puer,
 Frustra brachia dum student
 Lentare. in tenebras quoque,
 Te Mineides improbae
 Dum spernunt, fugiunt citae.
 Dirige pampineas circum nutante corymbo
 Bacche tuas: turpi veniat Silenus asello.
 Ad mare Threicio dū flumine defluet Hebrus,
 Dum Rhodope niuibz stillabit vere solutis,
 Sacra Thyoneo repetita triennia mittent.

P R O G N E.

ERVITE propere carceris duri minas;
 Atque hos ministros regij iussus neci
 Mandate: maior victima his cadet manibus:
 Erui-

Eruite propere : iam satis Baccho datum :
Insaniendum est nunc mihi : instigat furor.
Huc è latebris procede soror :
Hic dies hic est , (germana veni)
Quo violenti stupra tyranni
Datur vlcisci . eia comites
Hederis frontem cingite Bacchi :
De more caput vitta coerceat :
Nebride sacra latus instructa
Thyrsum vibret . soror ornatus
Hos cape mecum .
Quid mæsta tegis ora ? quidue lacrymas
Fundis inanes ?
Attolle soror pudibunda solo
Lumina : casto libet amplexu
Fudisse pias per colla manus .
Hic ne genarum roseus fulgor ?
Oculi ne hi , geminum sidus ? cur
Hirtæ squalent per colla comæ ?
Vnde hæc macies ? fœdoq; pedes
Pedore graues ? vix agnosco
Membra sororis : filet infelix ,
Pallida vultus , etiamq; timet :
Vocis damnum muta fatetur :
Conscia tantum numina monstrat ;
Cæloq; gemens spargit aperto
Liuida duris brachia nodis .

Fle-

Flete heu miseram Ciconum matres,
 Si qua est pietas: feriatq; humeros
 Manus exertos: sentiat æther:
 Si qua æthereis numina regnis
 Humana regunt, curisq; pijs
 Aures præbent, inq; superbos
 Acres mittunt fulguris ignes.
 Strimonis vndæ fletu nostro
 Crescant: gelidas visere ripas
 Iuuat, & ventis iactare comas:
 Decet hic habitus nostros casus.
 Sed quid trepidas, miseranda soror,
 Laribus nostris inferre gradum?
 Etiam times Terea dirum?
 Testor tenebras noctis opacæ,
 Ditisq; domos, & Tartarei
 Trina ora canis, Stygiosq; lacus;
 Omnes quæram scelerum formas,
 Scelus vlcisci cupiens: omnis
 Fugiet pietas: per scelus omne
 Eat in pœnas ferus hic animus.
 Huc viperea valle sorores
 Adeste: voco: dabit ista dies
 Aliquid longo semper in æuo
 Immite, ferum: vincite Diræ
 Coniugis artes: maiusq; aliquid
 Excute Progne: femina vincat.

Vul-

NVT. Vultum furoris pelle : ne prodeat furor.

PRO. Heu, quis dolori sit satis tanto furor ?

Quæ pœna Tereo digna ? quis Regi queat

Nocere diro ? tota splendet licet

Actæa ferro tellus, & summæ parent

Arces Cecropidum bella : desertis licet

Campis colonus arma Bistonius ferat ;

Frustra hæc laceffant. Parthicas olim timuit

Cecrops pharetras, gentis effrænæ impetus :

Audaxq; belli notus est dudum Tereus,

Viresq; regni : scilicet nullus premat,

Natura fines ipsa custodit loci.

Hinc alta Rhodope nutat excelsis iugis :

Hinc vasta Syrtis Geticum incurfat mare :

Mæotis inde stringit Arctoos sinus :

Quas spes inanes voluis ? ah nescis misera,

Vindicta quo constet loco. me me est opus :

Ego vel Athenis sola sum potentior :

Ego sum timenda : desinant reges licet :

Ex hoc timere coniuges discant patres :

Ego, dum nefando coniugi reddam vices,

Pergam, & nefando scelere complebo domum :

Bene instituto fiat exemplo nocens

Vxor mariti : coniugem agnoscat suam.

NVT. Quò misera pergis ? quò furibunda rapis

Alumna mentem ? rebus afflictis decet

Præbere fortes. vnica est mali salus,

E

Ne-

Nescire vinci: quoq; demissa est magis,
Vires doloris opprimunt mentem magis.
PRO. Fluctu doloris obruor: non sum mea.

Talis carina fertur, amisso duce;
Cum sæua pelagi forte tempestas rotat.
Vos ò recentes cæde miseranda obruti
Adeste manes: facinus explebo ocyus;
Quocunque tantus iusserit dolor modo.
Vindex sororis dicar: vlcisci libet.

NVT. Et vindicanti sæpe vindicta obfuit.

PRO. Quemnam timebo, fata si nihil mouent?

NVT. An non timebis Bistonum vires mulier?

Non hic Athenæ. patrio tutam sinu

Fortasse credis? tellus hostilis premer.

PRO. Nihil morabor: perfidus luat modo.

NVT. Moriere. *PRO.* Moriar ulta.

NVT. Fama te moueat.

PRO. Non itad vmbras fama: nec curant leues

Post fata manes, fama quid vulgi ferat.

NVT. Perimes cruenta morte crudeli virum? (bit.

PRO. Perimam: & nefando sanguine hic pœnas da-

NVT. Lassat sacrilegas vrna Belides: neque

Pensatur vilo fine tam tetrum facinus.

Sinil mouet te, respice at gnatum parens.

PRO. At quid sororem? iam ipsa cum gnato patrem

Cremabo flammis: ipsa iaculabor faces

In regna Terei: tota splendescat domus

Re-

Regalis : omnis erua[m] stirpis notas .
Super ipsa iaciar . eia membratim occidat
Discerptus ipse : iam iuuat linguam trahere
Trucis tyranni : meruit hic , quidquid potest
Irata mulier . *NVT* . Siste vefanos , precor ,
Regina motus . maius hoc ira malum ,
Tuisq[ue] maius viribus : Rex est Tereus :
Multum paterni roboris sæuus gerit .

PRO . Non si ipse clypeum genitor opponat sibi ,
Pœna vacabit . quisquis contemnit necem ,
Rex est tyranni : moriar , vt mortem oppetat .

NVT . Horrore quatiôr : crinis erectus : pauet
Animus : reliquit ossa consuetus calor . (ror?)
Quodnam hoc malû est ? quis tantus instigat fu-
En ora torquens mater aspectu truci
Furibunda natum spectat , inuicem quoque
Vulnus sororis : superat , & crescit dolor .

PRO . Quid hoc furore maius accrescit malum ?
Libet experiri , quidquid est , quod me mouet
Vlrix Erinny[s] : ora furiarum intuior :
Et ipsa Alecto crine vibrato sinu
Iniecit anguem : lubricus venis meat .
Hortamur : eia , quod mare & terra horreat ,
Inuade facinus : auctor audendi furor .
Quænam hæc sororum funebre versat manu
Ferrum ? tremisco . quis matrem impellit manus
Meculate duras impia nati nece ?

E 2

Cru-

Crudelis ille est: meruit ut facerem scelus.
Fecisse pudeat: quò fugit cœptus furor?
Hoc hoc libet, quod timeo, vel si quid mali
Est peius usquam: non placet primus furor.
Tereus supersit; viuat, & viuat miser,
Optetq; mortem: peius est votum nece.
Discede pietas: prima concipiam nefas,
Quod omnis ætas horreat. post me pia
Sit nulla mater: hoc sed est etiam parum.
Medea Colchis cæde puerili manus
Maculauit. addam maius huic sceleri scelus.
Magnū est, quod animus fluctuat: quid sit tamē
Ignoro. perge furor: prope est: par est scelus.
Nil quæro supra: coniugem hoc decet meum:
Nostrisq; thalamis dignus est tantus furor.
Animum parentis pelle, (si quid est tamen)
Euersa dudum coniugis nostri fides.
Euicit ille, si qua sit sceleris mora,
Pietate matris: vinco, si propero scelus.
Quemcumque sceleris miseret auctoris, miser
Et ipse pariter: quidquid hic fuerit pium.
Quid hic morabor? crimini tantum hoc detur.
Eia anime meditata aggredi cessas? satis
Tempus querelis, iam satis tempus datum:
Parentur epulæ: sacra splendescat domus:
Manibus parentis innocens cadat puer:
Ut ipse genitor viscera exedat sua.

Per

NVT. Per has seniles deprecor mammæ, heræ,
Per spes aniles, perq; maiores deos,
Desiste cœptis. quæ barbara vlla immanitas
Commisit vnquã facere, quod properas scelus?
Factura deinceps omne femineum genus
Nocens. recedat impius mentis furor:
Nec tale facinus clara Pandionis domus
Inusitatum, pessimum, horrendum paret:
Vindicta quouis abeat: hanc partem sine.

PRO. Altrix (fatebor) pectora attonitæ labant
Vario tumultu: talis incerto ratis
Trahitur fragore, bella cum venti mouent:
Cogitq; pietas: matris hinc nomen vetat:
Indulge soror: ah potius impune hoc ferat:
Spes vna miseræ matris hic solus puer:
Vteriq; nostri cara progenies Itys,
Pignus parentis, vnicum afflictæ domus
Leuamen: etsi genitor, inuisus mihi,
In omne facinus excitet mentem feram:
Quid enim tyranni liquit intactum furor?
Oblitus ille decoris, & nostri quoque,
Miseriq; patris, virginem oppressit comitem,
Fideiq; pignus: nec placet tantum scelus,
Nisi scelus addat: virginis socios necat;
Ipsiq; linguam forcipe apprehensam rapit.
Post hæc, pauentem clausit immani specu:
Simulatq; mortem: lacrymas struxit quoque
Periu-

Periurus : hæc est coniugis nostri fides.
 Post ista dubitas sceleris vlcisci misera
 Per omne facinus ? pereat hic : non est meus :
 Diro parenti similis ah nimirum puer.
 Disce ex marito denique insigne facinus
 Audere Progne : fluctuat pectus , neque
 Meminit parentis : tota sum (fateor) soror .
 Furor relinquat corda , si facerem scelus
 Male sana : pareat fructus : irarum est satis :
 Ego sum furore ei prior : emittat licet
 Peltes Auerni dirus vmbrarum arbiter ,
 Ipsas fugabo : non capit sedem dolor .
 Utinam tulissem fœta natorum gregem
 Vtero capaci ; posset vt numerus matris
 Satiare mentem : quod tamen venter tulit ,
 In patrem redeat : nil sit ex illo meum .

NVT. Mater necabis vnicum gnatum tuum ?

PRO. Est nempe Terei . *NVT.* Cur necem
 meruit puer ?

PRO. Scelere paterno gnatus emeruit mori .

NVT. Iniqua ratio est , crimine alieno pati .

PRO. Cum iusta quærit , ira paulatim cadit .

Non est furoris , capere mensuram sceleri .

Grauis ira fontem respicit , pœnam leuis .

NVT. Alumna , quæso , nulla te pietas mouet ?

Poteris nefanda cæde puerili manus

Maculare ? poteris ipsa per pueri caput

Vi-

Vibrare ferrum? deprecor, mentem exue
 Diri furoris: mater es. *PRO.* Soror quoque.
NVT. Alias nocendi mæror inueniat vias:
 Enses, venena, flamma vel fontem premat;
 Animamq; secius eggerat. *PRO.* Tellus prius
 Gestabit altra lucida, & cælum feras:
 Priusq; luci præerit noctis dea,
 Tenebrisq; Phœbus, quàm meus mutet dolor
 Decreta mentis. *NVT.* Facere quo properas mo-
PRO. Festus propinquat Thracio Regi dies, (do?
 Quo mos adire coniugi tantum dapes,
 Mensasq; Regis. aggredi licet patrem
 Dapibus nefandis: sanguinem bibet suum:
 Huius diei faxo sit semper memor.
 Commissa nutrix occule. *NVT.* Hoc annis mea
 Solet senectus tarda: præstabo fidem.

C H O R V S.

QVÆCVNQVE extat fortuna nimis,
 Altoq; ferit vertice nubes,
 Placido regnet licet in ocio,
 Finesq; suos ambiat vnda
 Tagus aurata, & gemmifer Ister,
 Nullo rerum pondere pressa
 Corruit in se, nec capit vnquam
 Placidæ regnum limina vitæ.
 Ani-

Animos Regum turbine versat
Fortuna suo: rapit ambitio,
Vulgiq; fauor: plures mergunt
Nimij luxus, luxusq; comes
Dira libido. castus vixit
Iuppiter olim, cum Dictæo
Pauper in agro patrem fugeret:
Ast vbi fregit sceptrā parentis;
Vacuoq; sedens solus Olympo,
Sub se terras vidit apertas,
Tractusq; maris, & vaga sidera;
Tunc Iunonem fallere cœpit:
Nunc Alcmenem capit Amphithruo,
Cessasq; tuos lucifer ortus,
Iussus longam ducere noctem:
Nunc pharetrata virginis arma
Humeris sumpsit, crura cothurno
Stringens; tenui subligat auro
Per colla comas: modo litoribus
Niuei simulans membra inuenci,
Equitem dorso per freta tulit: &
Candida plumis brachia mouit,
Placido fundens gutture carmen
Improbis ales. pauci reges
Sacrata colunt iura pudoris.
Non vllius fœdera lecti
Animos tardant: odere thoros:

Nec

Nec cognato sanguine virgo
Tuta est: pronus furor in vetita:
Vetitumq; nihil. maxima pars est,
Quæ nullius numinis aras
Colat; atque animæ restare nihil
Post fata putet; nec tartareis
Horrida flagris verbera curet.
Magno miseri iudice causæ
Librantur nostræ: Æacus umbras
Ipse fateri crimina vitæ
Subigit: quidquid gessimus olim,
Patimur: nulli crimina paruo:
Nec profunt tituli ordine certo:
Purpura damnat: mediæ turbæ
Pauci nigro liuida fundo
Æquora verrunt. felix pauper,
Qui contentus modico viuit,
Nulliq; grauis tempora ducit.
Pauperis intrat limina nunquam
Immunda Venus: vincere somnos
Studio coniux rustica tentat:
Seruat castos horrida mores
Casa: nimix nec soluunt epulæ:
Mox, cum placidæ fata senectæ
Vltima cursus egere suos,
Felix moritur: nec marmorea
Corpus in arca balsama seruant.

F

Pau-

Pauci Reges vltima viuunt
 Tempora vitæ: pauci sicca
 Morte recedunt. alius diri
 Signa cometæ trepidet: nullis
 Territa monstros nostra senectus
 Spatium vitæ finiat actæ.
 Sed quid trepido nuncius ore
 Portat? dubios ede tumultus.

N V N C I V S, C H O R V S.

NVN. Terrore quator: sceleris ante oculos trucid
 Imago pendet: totus horresco memor:
 Hæret palato lingua. *CHO.* Quid portas noui?
NVN. O Thraca tellus, scelere perpetuo nocens,
 Quamq; omnis ætas damnet: ò dirum nefas!
 Quæ Colchis vnquam? qui ve dispersi Scythæ?
 Quæ regio tantum fecit, aut credet nefas?
 Abominandus ipse Diomedes minus.
 O fors acerba: scelere punitum scelus:
 Euerfa cuncta. *CHO.* Mitte perplexe loqui.
 Post prima scelera nemo mirari solet,
 Si quod secundum maius exoritur scelus.
NVN. Me me procellæ ferte disiectum vndique,
 Vbi Charybdis Sicula disturbat freta,
 Vbi Scylla canibus latrat accincta rabidis.
CHO. Effare aperte: nos pariter, & te leua.

In

N^o N. In parte regiæ vltima stabulum latet,
Vbi Diomedes, pectoris impij dominus,
Humana sæuus pabulum diris feris
Secabat ipse viscera; & capita sanie
Madida superbus alta figebat manu
Foribus tremendis. semper infaustus cruor
Vndabat. ipse donec armenti dominus
Suo scelere perijt, hac pœna nocens.
Hic nocte tota voce ferali gemunt
Vmbrae vagantes: strepitus horrendû intonat:
Tractæ catenæ: fremere crudeles ibi
Fama est leones: sæpe latratu specus
Reboat: tremiscit terra: discordes deæ
Quatiunt rogales igne funesto faces.
Inhumata Regis sæpe despecti premit
Manes flagellis turba. quò postquam furens
Regina subiit, paruulum trahens Itym:
Philomena subit. spectat hanc primum soror:
Deinde natum mater aspectu truci
Paulum morata, quid, inquit, tempus iuuat
Conterere lacrymis? tempus vlcisci venit
Thala mos pudici coniugis, stupra, & scelus.
Germana temet excita: hunc similem patri
Iuuat esse; dum perficio, quod struxi nefas.
Sic fata, furijs concita, infantem trahit
De more vituli, quem aspra lactentem rapit
Hyrcana tigris. ille blanditur matri,

F 2 Eius

Eius lacertis colla complexus puer.
 Dimitte matrem: fata te expectant tua:
 Dimitte: non est mater irata mulier,
 Ferior læna, fœta quæ catulos trahit.
 Spes vana patriæ, deperis paruius Itys,
 Generosa proles gentis Actææ, nepos
 Mauortis, vnum Thracijs rebus decus:
 Pietatis in quo plus tamen fuerat auis,
 Animos feroces quamuis à stirpe traheres:
 Non tu tenebis ſceptra Threicia puer:
 Non iura populis patrio folio dabis.
 Quòd ſi pararent fata tam miſeram necem,
 Dum mater amens quærit vlcifci ſcelus
 Maiore ſcelere: fata non facient tamen
 Te te nocentem: neſcius culpæ cadis.
 Vt eunque moritur innocens, felix moritur.
 Vade inter vmbraſ innocens: forſan tibi
 Inſtabat aliquid tam bono genito patre.
CHO. Quis, ede, durus raptor infantis fuit?
NVN. Mater citato tranſiit ferro latus.
CHO. Quod tam cruentum dirus admiſit neſas
 Diomedes? *NVN.* Vltro cecidit in matrē puer:
 Ferale ſtabulum gemuit. *CHO.* O nouū ſcelus!
NVN. Vtinam ſcelere contenta deſiſtat truci:
 Immota mater properat hinc aliqd nouum:
 Vt hoc prematur ſcelere maiori ſcelus.
CHO. Quid vltra atrocius potuit? an pabulum
 In-

Inhumata pueri viscera exponit feris?
 N N. Vtinam, feroces quod solent iræ, rogo &
 Humo arcuisset: tradat epulandum feris:
 Pietas vocetur illa, si quæris nefas.
 O dira facta! nobili trunco caput
 Tereo secatur: cetera in partes rapit:
 Artus calentes tractat, & fibras manu;
 Nec flexit oculos: adiuuat Prognem soror:
 Costas trucidat: pectoris crates rapit:
 Humeris lacertos amputat ferro leuis.
 Pars hæc ahenò voluitur, æstu laticem
 Miscente: at illa verubus affixa ingemit:
 Fumus penates obsidet totos niger:
 Disponit ipsa lancibus diras dapes,
 Gnatum parenti. viscera edisti tua
 Ignarus: etiam hoc deerit: & scies miser.

I D E M C H O R V S.

OMNES vincunt dira Promethei
 Semina furias: iam nihil est, quod
 Postera credant sæcula vetitum.
 Credimus iras,
 Quasunque ferunt Colchidos. omnes
 Scelerum formas tellus nostra
 Vicit. sed tu miserande puer
 Vadis ad manes, culpæ nescius,

F 3

Di-

Diros . mancant digna parenti
 Præmia facti . quanquam digna es
 Tu pœna puer , impiæ matris
 Victima cæsus : diriq; premit
 Viscera patris .

T E R E V S , P R O G N E .

FESTVM diem celebrare quis vetat mihi,
 Animumq; turbat mobilem incerto metu ?
 Quid hæret animus ? prospero regnum in statu
 Ego quid tremiscam nescio : timeo tamen . (est:
 Modo inter aras, sacra cum ferrem deis,
 Repente cecidit regij capitis decus .
 Vidi cruorem verti in obscœnum pariter
 Bacchi liquorem : fleuit in templis ebur :
 Emicuit ara : flamma per totam domum
 Erepsit . etsi timeo nil, piget tamen
 Sacri nefandi . Sed quid horresco ? procul
 Secede terror . quisque prælagit sibi
 Vanos timores : meruit in veros eadem .
 Potius retexe flore viridanti comam :
 Indulge Baccho ; voce festiua cane .

PRO. Vide, vt superbus regio folio incubet :
 Nec credit vlllo posse deuinci malo
 Conuiua lætus . exple sacratis famem
 Dapibus : cruore pelle natorum sitim .

Sic

Sic te superbe. *TER.* Solus afferre solitam

Gnati quietem posset aspectus mihi.

PRO. Philomena posset sola solamen mihi

Afferre. *TER.* Segnis inter exangues iacet.

PRO. Idem inter umbras natus exangues cubat:

TER. Omitte coniux ista. *PRO.* Coniugem vocas

Nefande Tereu? *TER.* Quod malum audio?

(*PRO.* Nequeo

Crudele gaudium ferre. per totos rigor

Artus cucurrit. iam iuuat vultus patris (meo

Spectare primos. *TER.* Quidquid est, pereat

Gnato. *PRO.* Bene est: scelus peractum est: hunc

TER. Vocetur: vbi natus latet diu mihi? (amat.

PRO. In te latitat. *TER.* Vbi est Itys? *PRO.* Scies.

TER. Vbi est?

PRO. Stupro sororem qui violat, atque efferus

Linguam trucidat, virginis socios necat;

Epulatus ille est impia natum dape.

Philomena pueri defer extincti caput

In ora patris. huncne cognoscis pater?

Magis an sororem? *TER.* Sustines rerum fator

Tam grauia scelera? an vanus in gentes timor

Fulmen coruscas? misce diluuio omnia:

Fluuij rapaces fontibus ruptis meent.

Dimitte habenas: merge ad infernos lacus

Animas nocentes: pondus inuisum rape:

Dehisce tellus, tartari fundo occule.

Me

Me me trifulco fulmine inuisum pete
 Sator deorum, quo trium moles cecidit
 Erecta cælo montium, atque hostes feri.
 Sum fulminandus ignibus sacris ego:
 Ego sum cremandus. si pater natum paro
 Mandare flammis, quas miser voces dabo?
 En ora cerno, quodq; de toto est super
 Caput cruentum. scelere materno occidis,
 Culpa parentis. hanc ego merui necem.
 Hunc te Ity genitor video? quis fleat satis
 Meas miseras? tumulus est nati pater.
 Qui inhospitalis Caucasus tantum nefas,
 Aut quis Procustes, quis ve contemptor deum
 Busiris vnquam, quæ barbara vlla immanitas
 Commisit? in me natus innocens iacet,
 Dextra parentis cæsus. hoc vno pater
 Superos timebam. genitor expleui sitim
 Gnati cruore. da pater, nostri nimium
 Oblite, Mauors tela, vel coniux dabit:
 Euiscerabo corpus; vt grauis redeat
 Cibus. negatur? hoc negat Progne mihi?
 Philomena præbe: si miser non sum, nega.
 PRO. Iam summa voti contigit: Tereus dolet:
 Nunc restitutum credo germanæ penitus
 Raptum pudorem, nunc meis thalamis fidem:
 Erepta ferro lingua: nil curo: miserum
 Dum muta videat. virgines stupro opprime:
 Com-

Commenta mortis funera, & fletus para:
Dum te nequitia pigeat aliquando tua.
Aduenit ecce tempus, & dies mihi,
Quo te superbe, dum nihil times, premerem.
Manibus parentis cecidit his natus tuus:
Partita pueri corpus in partes soror:
Pars hæc ahenò voluitur, æstu laticem
Miscente: at illa verubus affixa ingemit.
Post hæc cruorem miscui sacro mero.
Poterat sine vlla cæde puerili peragi
Vindicta: poteram temer in flammis dare,
Oculosq; pressis vnguibus ruere, aut aliquam
Instruere mortem: pœna sed visa est leuis,
Quæcunque finem ponit ærumnis nece.
Huc cerne genitor. TER. O nouercales manus:
Quæ Colchis vnquam tanta commisit scelera?
Immitis, atrox illa se tantum nece
Contaminavit: scelere vicisti scelus,
Et morte maius ausa post mortem nefas.
Tuum est, quod hausi, crimen, horrendas dapes
Ignarus. PRO. Insons criminis nomen fugit.
TER. Quò quò profanus ciuium aspectus fugiam?
Quæ latebra misero tuta? quò præceps ferar?
Me me procellæ trans quoque Oceanû rapite,
Quò nullus hominum, nec feræ, nec Sol meet:
Aut illigato Rhodopes sub Thressæ iugis
Ales Promethei tundat æternum iecur.

Rho-

42 TRAGOEDIA PROGNE.
PRO. Rhodopē ne poscis? cara post stuprū est tibi.
Pete & sororem, quæ data est virgo diu,
Periure Tereu: virgines stupro opprimis?
TER. Tu sœua natum? *PRO.* Fateor, & iuuat, ruum,
TER. Quid meruit infans? *PRO.* Gnatus emeruit
Tuapte culpa. *TER.* Vindices testor deos. (mori
PRO. Potius pudoris numen intacti voca.
TER. Te te sequentur furia. *PRO.* Itys solus patrē.

F I N I S.



DE

43

DE RATIONE VERSVVM,
quibus hæc tragœdia conscripta est.

LVCOS & amnes defero Inferni Iouis .

Carmen archilochicum, trimetrum, iambicum, acatalecticum. assumit in disparibus quidem locis iambum, choreum, spondeum, dactylum, & anapæstum : in paribus autem iambum, choreum, & anapæstum . hic vero anapæstus apud comicos frequentius, apud tragicos rarius inuenitur, ita tamen, ut multarum breuium iunctura vitetur .

ORTE Saturno, pelagiq; rector .

In hoc choro continentur duæ metri varietates . prima enim carmina vsque, REX VICTVS, dicuntur sapphica trochaica: constant enim trochæo, spondeo, & dactylo, & duobus trochæis . reliqua autem dicuntur glyconica: constant autem spondeo, choriambos, & pyrrhichio .

NVLLA mortales tenuit voluptas .

Hic chorus continet duas metri diuersitates . prima quidem, ut in primo choro, ORTE SATVRNO. intermixtum est vero carmen Adonicum : quod constat primo dactylo, secundo spondeo, siue trochæo . Nota autem vltimam indifferenter semper in omni genere metrorum poni .

SACRA Thioneo repetita triennia suadent .

Hic chorus continet nouem metri diuersitates . primum genus metri heroicum, hexametrum, dactylicum, ut SACRA THIONEO . Secundum sapphicum est metrum: constat enim primo trochæo, secundo spondeo, tertio dactylo, quarto choriambo, quinto spondeo, siue trochæo, ut, HVC ADES PROLES. Tertium constat primo dactylo, secundo amphimacro, tertio epitrito, quarto pyrrhichio, siue iambo, ut, EX VTERO. Quartum, TE TE THRACA VOCAT: ut in primo choro, REX VICTVS. Quintum asclepiadeum choriambicum: constat primo spondeo, secundo, & tertio choriambo, quarto pyrrhichio, vel iambo, ut, HVC FORMOSE PVER. Sextum constat primo pæone, secundo spondeo, ut, VARIASQUE LYNCAS: & HEDERA VIRENTI. Septimum, ut in primo choro, ORTE SATVRNO: & in, TERTIA SACRI. Octauum constat

constat primo anapaesto, secundo iambo, tertio spondeo, quarto anapaesto, quinto pyrrichio, sexto trochæo, septimo trochæo, vel spondeo. nonum, & vltimum, vt in secundo choro, FATA SORORIS: &, LACTEA COLLA, &c.

HVC è latebris procede soror.

In hoc carmine continetur vnicum genus metri, quod dicitur archilochicum: constat autem spondeo, dactylo, & anapaesto indifferenter.


STVDIOSIS S.


CVM in hac tragoedia multas elucere veterum poetarum virtutes eruditi homines iudicarent: communicandam vobis putauimus eo libentius, quòd in hoc genere, præter vnum Senecam, nihil habemus: cuius tragœdijs minimum certe Progne nostra concedit. illud æquo animo feretis, quòd aliquot in locis deformatam mendis, quæ corrigere non licuit, legetis. maiora in posterum, Deo fauente, expectabitis. IN ACADEMIA VENETA M.D.LVIII.

ROMÆ EXCVD. MASCARDVS

CID IDC XXXVIII.







003643374